

唐故河西歸義軍節度內親從都頭守常樂縣令銀青光祿大夫

檢校國子祭酒兼御史大夫上柱國陰府君墓誌銘

并序

府君諱善雄字良勇卽武威郡貴門之勝族也其先著姓帝嚳之  
苗裔殷王武丁之後因号陰氏焉皇祖勅授涼州防禦使檢校工  
部尙書兼御史大夫上柱國諱季豐門承禮訓代襲溫良行潔貞  
松無幽不察故得威臨大郡政先彰安邊効靜塞之功奉主運子  
房之箴 尊考歸義軍管內都知兵馬使兼御史大夫諱昇賢  
神情肅物俊氣凌雲武縱六奇文標七步府君天生俊骨受性英  
靈治縣而恩威並行才高而文武雙美遂使發流星之箭塞虜沆  
聲張滿月之弓邊烽息焰方欲分憂助治理永靜邊塵奈河奄弃  
明時魂沆幽壤當清泰四年丁酉歲八月十四日壽卒于欽賢坊  
之私弟春秋五十以其月二十日權塋於州東南漠高里之原禮